



*Q. D. B. V.*

*s. I.*

**D**E casibus perplexis com-  
mentaturi breviter videamus : tum *quis ca-  
sus perplexus sit*, tum *posito*, quod datus ca-  
su sit *perplexus*, *quid de eo statuendum*. Illic  
natura, causa, subjecta, notio & vis termini; hic accidentia,  
effectus, prædicata, usus deniq; in ipsis rerum argumentis  
consistens explicatur. Et quemadmodum in plerisq; ma-  
teriis separata facti & juris tractatio est, *Conr. Lagus Meth.  
Jur. p. I. c. I. n. I. Joh. Althus. Dicæol. lib. I. c. I. n. 4.* ita hic il-  
lud plus facti, hoc plus juris habere crediderim.

*I I.*

Porro ipsa *Casus perplexi* notio ex duobus componitur:  
*Casu* & *Perplexitate*. *Casus* vocem apud Mechanicos natam  
vicini Geometræ primi adhibuerunt in rem suam, quibus  
*πλῶτος* est ipsa figura, ( seu linearum, superficierum, corpo-  
rum ad se invicem positus, ) de qua deinde *ζητημα*, nimirum  
quantitas, ratio, analogia, uti apud JCTos *jus de facto* ) de-  
monstratur. Unde problemata eorum *πολύωλωμα* similia  
sunt controversiis JCTorum distinctione expediendis, add.  
*Dn. Erhard. Weigel. Analys. Euclid. sect. 2. c. 12. n. 4.* & impos-  
sibilita casibus perplexis, in quibus pro solutione est adverte-  
re & demonstrare impossibilitatem, quod Algebra præstat.  
Manavit inde vox ad Medicos, & Theologos Moralistas.

*A 2*

*quoq;*